

函

羅家倫著



答

舊





羅家倫著

西

北

吟

商務印書館印行





8567:2-2
35

自序

民國三十二年六月奉命有西北行爲時九閱月凡歷三萬六千里因未便作遊記乃藉吟詠以解于役之疲而寄平生之興茲篇所輯凡二百餘首皆成於輪蹄出動與欲眠未得之時也

余嘗謂詩必有詩意詩情詩境三者乃成蓋無意則空無情則死無境則低余固未逮竊以此自勉於韻脚不過便歌詠耳未可以前人之聲帶縛今人之心靈也

余於詩毫無所長惟常求寫景必真寫情不僞虛構之詞無病之呻竊非所取

情有不容已語有不自知天籟與人籟感召而成詩此法時帆語也余近合印耕罷集與滇黔寄卷爲一册盡刪其序而書此二十字於卷首今復及之以昭同感

民國三十三年一月十四日羅家倫書於天水

國家圖書館



001182079



BRUSSELL

再序

曩於考察西北任務告畢之時輯途甲詩石印於天水題曰「西北行吟」以誌行蹤而餽友好茲補錄續作絕句百餘首及長歌數章都分爲「玉門出塞集」「海色河聲集」「轉綠迴黃集」「塞外高歌集」凡四卷仍冠以原名至以前篇什均不事刪削以存當時之意義編後重讀一過情緒縈迴百感交集偉大西北自足令人神往也

民國三十四年國慶日再序於重慶





總目

玉門出塞集	一
海色河聲集	一七
轉緣迴黃集	三五
塞外高嶽集	四九



總目



玉

門

出

塞

集





玉門出塞集

辭家

哭罷親喪又別離迢遙三萬首征途此行不灑尋常淚應墮江出入壯圖

過梓潼經明皇夜雨聞鈴處

蜀江水碧蜀山青回首長安戰血腥最是三郎情重處斷腸偏感雨淋鈴

七曲山戲作

山上有文昌宮祀張仲沿途古柏森森凡數十里俗稱張飛柏相傳張獻忠過此祭告之言曰「你姓張咱老子也姓張咱們聯了宗罷」因此未事殺戮路旁有一大碑鐫「七曲山九曲水文

昌勝境」十字風景絕佳

古柏蕭森肅道旁俯瞰轉覺似兒行文昌翼德聯流寇老子無端盡姓張

劍門道中

歷盡崎嶇未足論閑憑繚繞認孤村遠山脈脈含情送細雨榴花出劍門

劍門道上山勢

昔浸海濤爲海底今參雲表作雲屯豁然悟到滄桑理山化蛟鼉挾浪奔

經蜀道入秦棧

樹密翻疑天體綠，峯高常絆夕陽多。
溪聲瀟瀟頻催晚，心影重重竟作波。

過西秦第一關

秦風寫出北方強，峯光山容鬱翠蒼。
一路大車擁六轡，帶纓騾馬也軒昂。

過寧強

寧強水田植稻梗，葉色均紫名曰紫稻。

馬箠迴出幽谷蝦球佐饌，自淺溪高峯飛影。
田水靜紫稻插入青玻璃。

紫柏山留侯祠

萬木森森留侯祠，道宗霸術兩兼之。
笑他漢帝屠功狗，檢與先生辟穀時。

薄暮及秦嶺

天矯騰擎未易攀，夕陽深處日斑斕。
謝他曲曲盤鵬路，飽我秦中面而山。

酒奠梁

傳漢高帝奠酒於此

歌風奠酒尋常事，能忍能兵洵屬難。
白且地堆在太極宮，貞陰少溺儒冠。

秦嶺旱田

恍如遠鏡窺月球，疑是行雲漏日影。
轉念秦人勤苦多，曝盡衲衣覆秦嶺。

秦嶺穴居示君壁

採藥耕雲洵足娛萬山深處是康衢寫將一幅羲皇景也是桃源避世圖
關中苦旱車抵西安時適雨書酬熊哲民主席胡宗南將軍及在站相迎諸君子
豈是書生汗漫遊元戎心繫帝王州雨中冠蓋都含笑爲卜三秦大有秋

謁茂陵

陵左爲衛霍墓右李夫人墓

上國版圖渾似舊茂陵松柏析爲新河山百代酬英主左伴英雄右美人

霍墓

墓前堆石峻嶒當年請狀祁連山勢出土石刻凡六其中一爲馬踏匈奴最著稱

駿馬踢天驕祁連雪未消白楊風獵獵猶喚霍嫖姚

驪山望始皇陵

恩仇深處見多偏瞻拜雄圖意惘然御宇豈徒三十六中原一統兩千年

灞橋

輕車搖兀雨中過一抹長虹壓逝波莫道今人離恨少灞橋楊柳已無多

入華山峪

陰雨霏霏放曉晴芙蓉天表露新明山靈也識尋幽客故遣清泉出谷迎

毛女洞

相傳有毛女成仙爲秦阿房宮人

白雲紫巘作靈旗翠蓋明璫共羽儀爲謝咸陽三月火深宮無怨到蛾眉

登蒼龍嶺上金鎖關

偶乘龍脊捫蒼天百劫中原指顧間漫拾黃河作襟帶更將金鎖佩胸前

五雲峯上奇松

蒼龍嶺上五雲峯突兀披離出怪松恨未駕雲下東海長披鱗甲動秋風

五雲峯小憩

風景催詩未感疲尋幽翻覺險如夷何須久待丹爐火松子黃精當午炊

仙掌峯下古松

折肱如挽萬石弩張翼若展垂天雲鍾爾華嶽之靈氣鬱爲造化之奇文

贈玉女峯至朝陽洞途中古松

人道華山險未識華山松蒼虬瞰絕壁紫鬣御天風

落雁峯上平台

五丁斧劈一峯開紫巘蒼松入壑來聲滿塵寰餘一嘯白雲深處有高台

代仰天池古松

猶龍豈欲擬老子食祿却羞儕大夫猶倚危崖持勁節任爾炎涼漏世途

避詔崖

崖中有洞緣一橫木乃得入相傳陳希夷避宋太祖詔處

避詔崖前獨木橫未燻丹穴了餘生世間矛盾知多少一臥先生浪得名

華山陳希夷遺跡

先生自擬人中龍何事深山伴怪松霖雨不從高臥得逃名心計也成空

蓮花峯遠眺

華嶽巉巖峻極天一峯如削一峯連千重秦嶺開屏錦九曲黃河繞榻邊

雲臺峯曉起

知道倦餘清睡好道人輕打五更鐘（蘇句）仍貪曉色推窗看松鼠跳梁尾作籊

遍遊華山諸峯道上作

濤聲壯處白雲封拔地參天黛影濃此是華山含蓄處不來山頂不逢松

華山留別黃君璧畫師

挺出南天筆一枝關中山水好珍持不須便作歸程計且爲奇峯住少時

留別華山

萬方多難登臨日拔地晴巒洵壯哉一語名山須記取他年風雪待重來

邠縣道中見山名花菓山洞曰水簾洞

滿紙荒唐未易刪何須詞賦動江關欲知說部移人處應識邠州花菓山

邠縣大峪坡遇雨書所見

黃土窰中綠葉扉扉前黃犬待人歸山中急雨人蹤絕坐看溪流一道肥

別邠縣由陝入甘

邠縣傳爲后稷教稼穡地

太王久避犬戎去黃土猶誇后稷功杏子初丹梨棗翠一川楊柳寫邠風

平涼卽景

兩行楊柳拂車窗王道平平入翠蒼若不推窗尋水稻江南一線在平涼

登崆峒山

山上有黃帝問道處及黃宮

涉水復凌風崎嶇謁帝宮此行堪快意躍馬上崆峒

至六盤山

一車委宛出蕭關絕路常逢大轉彎數盡迴環三十二勸君休號六盤山

徘徊六盤山絕頂

巖關疇昔稱天險秦隴而今爲一家懷古幽情誰與訴六盤山頂看黃花

隴上寄維楨

小別感離羣何言遠寄君不聞流水咽望斷隴頭雲

度隴後途中卽景

我欲高歌隴上行隴頭流水咽無聲滿山麥黍炊烟何處遠人來此耕

秦隴道中感所見

宋明古佛齊梟首碑碣磨完盡漢唐休勸將軍倚大樹左公柳已不成行

謁興隆山成陵小憩 委員長蔣公行邸

成陵所在駐元戎神武同臻不世功百尺雲杉齊指日中華氣象屬興隆

再賦

躍馬橫歐陸掣鯨安亞東遙遙七百載神武兩英雄

成吉思汗大纛

傳大汗部屬遇勁敵時一見此纛如見大汗親臨英勇百倍無攻不克

萬幕仰旌旄聲威動九霄大戈遙指處猶想馬如潮

由永登赴武威

驅車追落日日隱前山背屋形擬古堡疎楊寫晚章

武威道中

武威昔漢時郡名後稱涼州現復漢名

大地淒迷餘殺伐遠山歷落下牛羊一生聽到伊涼曲銷盡詞人鬢上霜

度烏沙嶺

帶雨陰雲入半空飛沙吹到馬牛風涼州七月春光好菜子花黃蕎麥紅

赴張掖途經山丹燕支山即在縣境

長城斷續戍樓空歷代雄圖在眼中莫道漢皇重傾闕燕支從此入堯封

宿張掖甘園夜醒口占

樹色涼於水邊城沸犬聲一般今夜月曾照漢唐營

復睡未成再起口占

夏夜夢如何冰輪揚素波高枝與人影相對兩嗟峨

張掖五雲樓遠眺

綠陰叢外麥麩麩竟見蘆花水一灣不望祁連山頂雪錯將張掖認江南

張掖赴高台途中

雨色度祁連牛羊散接天一行疎柳外沙影幻晴川

高台遇風沙如暴雨

憶昔清華水木妍黃沙忽旋日輪偏而今又遇風沙暴彈指人生十五年

再賦

龍戰玄黃旋地軸不煩雷雨動山川西征若缺驚人事辜負流沙七月天

酒泉道中

祁連山下莽蒼蒼雪映黃沙古戰場屯得貔貅三十萬鯨牛談笑靖邊疆

嘉峪關戈壁中忽見海市

平沙盡處有仙鄉一片烟波入渺茫更羨樓臺凌倒景宛然都在水中央

嘉峪關樓放歌

百之雄關萬里牆祁連山勢壓沙場男兒未覺西征遠更囑天山侍道旁
浩浩天風蕩胸臆茫茫塞草沒人煙登臨益感關山壯願絕狼烽到望邊

出嘉峪關戲反唐人詩意

故園信是路漫漫長笑前人淚不乾一代廢興憑決策莫將詞賦動江關

留贈玉門油礦

塞上艱辛洵及時人工地脈費尋思飛潛他日均須仗此是神州玉液池

借錢乙藜伉儷及諸同人遊甘酒泉乙藜夫人摘草一莖告曰此名虞姬草詩料也時嚴藻波先生亦

告曰間更有草名霸王鞭因其巧合遂成一章

甘酒泉溢瑤池酒大雪山垂白玉簾 老天荒情不滅虞姬草伴霸王鞭

宿玉門油礦深夜頗寒書贈吳文藻先生

新遊天竺慈雲裏又作燕支塞上行莫怕夜深寒澈骨先生心似玉壺清

度玉門戈壁

野色茫如海沙紋縐若波縱然無殺伐駝馬骨仍多

度玉門戈壁重見海市

五雲深處見瀛台魚白孤帆霧裏開浩森烟波千萬頃星槎何事不重來

玉門遇謝義鋒師長爲談關西民隱賦贈時彼新奉陽關築路之命

屯兵塞上氣如雲古道陽關望策勳爲念關西民力苦放青驪馬駝將軍

唐御仲先生好臥遊赴安西途中強推不醒戲贈

呼聲高處野雲低塞草黃沙入望迷惟羨先生清睡好汽車載夢到安西

沙漠雜興

草枯蓬斷凜蕭晨千里沙中百劫身駝跡依稀鷗影絕黃羊看到似鄉親

遊敦煌千佛洞

平沙浩淼綠陰開七寶莊嚴入望來閱盡丹青千萬本盛唐真個出人才

前韻咏曹延祿妻于闐公主畫像

五花聽上玉人來粉靨朱脣帶笑開結得關中關外好于闐公主是人才

敦煌望三危山

罪難儕四惡身已竄三危弱水橫車轍流沙落馬蹄

月牙泉紀遊

泉作新月形鳴沙山環之有碑曰漢渥洼池集十數人登山頂滑沙而下至半山沙忽大鳴如聞鼙鼓試之果然

新月澄池水龍媒產渥洼羣羊驚散處鼙鼓動鳴沙

由鳴沙山度沙漠薄暮歸敦煌城

策馬度流沙黃雲變晚霞天風雖浩蕩無意送悲笳

敦煌玉門關樓故址在大方盤抑小方盤議未定因賦過此即白龍堆沙漠

大小方盤論各殊龍堆沙草更模糊邊牆不是中華界一代雄關自可無

入新途中贈凌竹銘先生

渡水穿山險若夷閑從輪轍論安危長車會越天山路再爲神州獻一奇

抵猩猩峽盛會辦晉庸以馬隊來迎賦謝

將軍應一霍嫖姚鐵騎奔騰迅若飈史筆願偕班馬輩中興寫出漢唐朝

經七角井前戈壁

風吹寒草黃風吹鬚髮蒼乾風揚烈燄吹我度沙場

西北行吟

由大壘河赴奇台途中

雪嶺橫金紫高原鬱莽蒼牛羊環落照滿土仕新疆

過九溝十八坡

溝盡九條坡十八豁然雲表出平台高原忽見添新綠更喜天山帶雪來

由一碗泉至車轆轤

紫磧黃沙照眼明周行百里此平成駝如戈壁灘中過人在天山脊上行

由奇台至阜康道經一碗泉與三口泉兩地因賦

萬里黃沙八月天沙中流水似流涎若問水量有多少一碗泉加三口泉

過阜康沿途傅格達山均在望

不愧天山認主峯穹廬垂下玉玲瓏無端化作分光鏡散遍彩霞飾太空

登博格達山道中

榆陰處處草芊芊宛似江南四月天望斷馬頭殘雪裏玉龍飛下白雲間

登博格達山寄紫微少微二女

碧樹青溪委宛通若逢佳麗若英雄嬌兒問道爺何在策馬天山第一峯

山上天池

淡妝濃抹更相宜西子湖光未足奇知是瑤姬青鬢好鏡中搖曳碧琉璃

玉顏間抹曉霞紅，隔霧窺妝趣益濃。莫道藐姑無狡獪，忽如相避忽相逢。
歌完黃竹玉容哀，明鏡珠簾倦裏開。天上人間難再得，穆王何事不重來。
白玉峯前翡翠池，天生佳麗避人知。錦茵鋪到雲杉幕，正是尋詩入夢時。

勒馬回看天油水，光燦爛彩色難陳。不忍遽別。

玉簪散出拋家髻，舞罷猶披雲錦裳。勒轉馬頭重惜別，鬢邊斜插莫相忘。
(莫相忘爲歐美情花名爲Forget-me-not 常以贈所歡)

出阜康抵迪化近郊時已黃昏

右蜚金紫左混茫，無際平原入莽蒼。落照天山相峙處，綠陰送到晚風涼。

由博格達山回迪化途中見月出時值中元

碧落澄如海，輕雲海底浮。天山閑適臥，斜吐一輪秋。

酬林繼庸先生

亦爲大匠亦文雄，談吐能生四座風。何幸天山冰雪裏，有人豪氣壓元龍。

抵迪化寓新疆邊防督辦公署東花園見園中孔雀竟無樊籠任意飛鳴上下生平所未見也因賦

翠羽花冠錦作圍，雕欄高樹任尋棲。自知西北堪留戀，不向東南振翮飛。

緩來赴烏蘇道中酷熱望天山雪景

牧草瀾千里，炎威極大荒。冰肌親不得，着眼也生涼。

黃昏在烏蘇道上

草接暮雲黃山容轉黛蒼雪峯如舍利道道放霞光

沙泉子

沙柱倚天壯風聲遍野哀塵頭高起處知是牧羣來

烏蘇贈女生金華田並示蔡生宗賢

三十二年八月十九日首途伊寧行抵烏蘇烏蘇漢烏孫國地縣長未及前知余與凌竹銘先生乃驅車赴縣署時薄暮七時已放衙矣正躊躇間忽見一江南裝女子降階亟前欣握余手曰校長猶識我否余中央大學女生金華田也乃爲部署行寓華田適蔡生宗賢烏蘇人亦中大畢業生現任烏蘇副縣長華田籍上海現在烏蘇學校任教有聲欣此奇遇留詩贈之

黃歇浦頭女烏孫道上人衙前橫一笑謂沐塵邊塵

志決當無遠奇逢信有天殷勤敷教澤珍重惜華年

塔爾干山口

山勢挾平野關形類虎牢丸泥堪塞處人比雪峯高

賽里木湖

亦名三台海子

叢山拔海六千尺一鏡平開萬頃藍浪與雪峯爭鬚白松壽更送暮春寒

放青翻似踏青天紫馬花羊動計千蹀躞女郎來照影紅衣偏鬥翠湖鮮

霍爾果斯有感

雖儘五百尺仍我宗邦土我土不能踐我心亦良苦

觀伊寧各族文化促進會歌舞表演

塞上元音悅耳多抑揚妙處舞婆娑江南詞客真堪笑偏戀吳娘一曲歌
女兒英氣到眉尖爽颯偏生百種憐情態不容人淺測忽如決絕頓纏綿

伊犁河畔

伊犁河上草黏天烏犍黃鬃柳外煙莫把江南風景比斷無汗血並鳶肩

游牧

紫衣白帽顯昂藏黑犬如熊繞馬旁馬上指揮真若定一鞭驅走五千羊

歸途返精河沙泉子戈壁中遇大風沙

天方貪晝寢人已入葫蘆借取金鋼鑿混沌破得無

再賦

呼號奔走忙沙石匿跡銷聲到馬駝人極海西逾萬里風塵今日始嘗多

戈壁風沙中遣興

走石鳴鉦鼓驚沙沸管簧車前爭膜拜紅柳着黃裳

西北行吟

伊犁歸途追念左季高先生

力排衆議定巖疆七十猶經百戰場不到天山南北路不知傾倒左宗棠





集



海色河聲集

星夜乘機由迪化飛重慶

蕭疏燈火伴星辰積雪峯巒辨略真
剪取月華裙半幅而今自詡摘星人
手持斗柄渡銀河浩浩潢流瀉地多
織女磯頭羞澀問星槎歸去奈儂何
夜色何曾久未央黎明黯後是晨光
我今乞得遊仙術遍踏紅雲到上方

歸重慶見悲鴻畫馬壯我西北之行因題

悲鴻畫馬寫馬神傲骨峻嶒世無匹
忽然回首鬣飄蕭似聽朔風傳鬻粟

重抵蘭州見紅葉繽紛最饒秋意

燕子磯邊五月榴那如紅葉帶霜稠
若聚名城品秋色八分穠艷在蘭州

梨林秋葉遍繞蘭州紅艷經霜別存
風格感前人偏狹之詞訴名花委曲
之意會以淡妝評命薄終垂碩果麗
邊城玉顏不怯尊前醅更換石華滿
幅裙

憑城闕而望黃河喜皋蘭之饒月色

皋蘭山色鬱嵯峨霜壓邊城夜氣多
翻似有情人不寐月華含暈伴黃河

深秋重遊興隆山

時值戎陵小祭聞吹角

泉繞石根迺日移杉影幽角聲紅葉裏人感萬山秋

飲太白泉邊望馬啣山積雪

谷風來澗底紅葉撲樓頭太白泉邊醉馬啣山外秋

入青海遇老鴉峽迭見鴉羣

老鴉深峽束青溪灘急坡高雪水肥休念征車顛簸苦憑窗閑看老鴉飛

征車抵西寧

時雖冬令然萬木蕭森中枝條猶餘翠色春夏翳陰何難想見

河湟重鎮建名城鼓角曾開霍趙營新種白楊千萬樹綠陰深處認西寧

贈青海省主席馬子香將軍

海西萬馬恣騰驤星宿倚天二水長記取當年趙充國崑崙會建大功坊

曉發湟源

山容敷薄粉霜葉墮殘紅點綴寒林畫青溪委宛通

西行度日月山聞文成公主涕淚却步於此

敷粉施朱日月山曾傳公主駐仙班天教文化垂西域詎任峨眉馬上還

詠文成公主

千秋業與班張伍一嫁名垂宇宙間
借問唐宮諸姊妹可曾靈藥駐紅顏

三角城夜步時皓月當空露珠瑩瑩遍散草原

一輪明月萬珠光信步將軍古戰場
千百牛羊齊入夢獨留孤影伴蒼茫

是夜離羣獨步山頭友生聞四山多狼極感憂慮遣汽車一馬五四出搜索二時許未得幸未遇狼仍信步安返

一車五馬忽奔騰搜索多關故舊情更謝羣狼未曾識峯頭留得一詩人

三角城夜宿馬子香將軍幕中賦酬

野闊天高三角城漢時明月見慶兵何心
一讀閑情賦夜宿將軍細柳營

三角城幕中夜醒口占

唾洩維帕似冰堅皎潔冰盤幕上懸
無奈夜深人寂寞小貓分煖護鳶肩

馳馬赴海晏縣觀王莽城夜歸仍宿三角城幕中月夜再步草原卽景

坐憎帳下蠟燈紅馬上歸來氣尙雄
一片草原茫似海清歌聲滿月明中

三角城幕外聞歌

莽莽蒼蒼塞外歌豈徒豪邁亦情多
番刀怒馬婆娑舞夜度堅冰萬里河

幕中夜占

月色溶溶瀉水銀草原霜似雪山
明辛勤多謝防狼犬夜半猶傳悲壯聲

西北行吟

過察汗城城爲蒙藏王公千戶會盟所

青海波濤久不驚千蕃部落拜干旌國威遠逾燕然石邊將非要察汗盟

經倒淌河巡視青藏公路

巖疆玉樹護羌營千里高原王道平武德文功今盛世不煩涕淚灑文成

青海海上放歌

蔚藍海接草原黃大自然中兩廣場萬點牛羊千掇雪霸圖詩意兩茫茫

馬繼援（少香）軍長來謁書此贈勉

將軍嚮是少年豪曉讀兵書夜帶刀好淬新知勤報國中興事業屬吾曹

歸程重過樂都

湟水奔騰復宛紆森森萬木夾康衢牛羊茁壯民風古此是人間一樂都

重過老鴉峽

風嚴日冷老鴉城轉折崎嶇路不平歸道飢聞金石響滿川浮玉下堅冰

享堂赴蘭州道中卽景

山挾水東流寒林集凍鳩冰擁皮筏子載雪下蘭州

薄暮沿河下蘭州途中

浩蕩黃河泛雪青夕陽想在背山明梨林紅葉凋零遍剩有寒山識故人

重度華家嶺

一嶺欲摩天雪中人不度若遇有情人淚落成冰箸

固原贈勉丁冠洲軍長

明時固原爲三邊總督所駐迭經地震荒涼滿目

三邊重鎮固原城風括牙旗捲凍雲地震任移山谷走令嚴難撼岳家軍

三營道中

黑白散牛羊山開大牧場更添邊塞色綠樹出紅牆

塞外偶興

強說風流人夢蝶枉拋心力狗追車黃沙白草無人處土穴孤燈勝似家

王家關莊度橋入寧夏

一水橫衣帶長橋臥雪中莽原斜照裏搖曳盡駝峯

同心城古意戲寄姚味辛將軍

嶺如山上雪皎若雲間月人宿同心城莫解同心結

薄暮中寧道中

無邊衰草入鴻濛萬里黃河瀉碧空欲駕輕車尋故壘賀蘭山缺夕陽紅

征車夜行寧夏境內時值初月

蛾眉新月照黃沙萬里征人興尙賒若得小紅歌一曲願將羌笛按梅花

中甯夜醒口占

斗柄橫斜掛小窗駝鈴人靜轉鏗鏘鷄聲喚下如鉤月坑火無溫夜未央

中甯至張恩堡途中見黃河一曲清瑩如鑑喜賦

賀關山勢壓邊崖石丹如報國心信是中朝成一統黃河水似鑑湖清

過青銅峽巡視秦漢唐三朝渠址

青銅峽裏樹龍鍾浩浩黃流似束弓莫怪秦皇成霸業漢唐遺績也豐隆

車過靈武

美人偏恃寵靈武此徵兵一代興亡事千秋郭李營

任春渡渡黃河

日麗午風和中流發浩歌天池飲馬後擊楫渡黃河

甯夏欣遇羅詩靈（時寧）華蔚文（錦）伉儷詩靈樹木蔚文樹人同在余長中大時畢業而均有

聲於朔方別來數年而子女已成行矣賦詩以贈

綠葉成陰麗朔漠雙飛鴈不感離羣詩心悟到空靈處文彩蔚爲塞上雲

寧夏夜風

風挾黃沙動地來但聞悲壯不啣哀客心子夜徘徊處冰薄河深渡未開

平吉堡途中寄願

賀蘭山左大平原
歷落駝峯草接天一水中通
皆沃野綠楊村落萬家煙

三關口感事

憂時北望淚潛潛
孤露兒孫尙未還
常願國威逾瀚海
火車先度賀蘭山

三關口途中書所見

三關口外長流水
車作兒籃蕩碧空
造飯人黔七八突
飲冰駝曳兩三峯

薄暮抵定遠營

紺紫山橫玉玄青
野覆晶月鈎懸夜
幕車轍落邊營

定遠營書勝

浩浩中沙騰格里
居延海傍受降城
欲將盛世承先烈
犄角無忘定遠營

定遠營宿達王府中夜醒

綠洲懸塞外刁斗
夜無聲莫道嚴寒
苦詩情未結冰

定遠營古意

來時月如鈎去時
月如鏡新月鬪蛾
眉滿月照霜鬢

寧夏紀事

三十二年十二月六日偕竹銘先生訪姚味辛將軍於寧夏中山公園旅次見所作偶句頗工而詞

意淒楚欲反其意亦以偶句爲之時值詩靈學弟導往其所營綠室成績斐然中有蒲竹與龍舌二本歷歲月不花者今冬忽含葩吐艷詩靈以爲端午餐後少雲主席延赴東教場檢閱部隊萬餘人余坐騎聞樂奏驚馳狂奔里許控韁安返答禮訓話候燈火接夜色起時余赴詩靈家書條幅二十餘幀還至懷遠樓時尙計畫考察報告之草擬也鴿魚產寧夏黃河中俗傳爲鴿化安耳

欣逢龍舌艷狂試馬蹄輕聲色軍前壯陣雲筆底生
嬌麗誇蒲竹肥鮮饌鴿魚腰虛三尺劍胸蘊萬言書

寧夏閱兵

仗節來靈武旌旗耀碧空襟鞍堪睥睨鼓吹奏平戎
揉捷兵登埤龍驤馬入雲北門欣有寄指日靖妖氛

經平羅赴石嘴山道中卽景此景於汽車行沙漠中屢見之

犬追馬逸羊驚竄此物何曾入望邊祇有黃羊饒逸興回回衝過汽車前

石嘴山夜賦

燕子堆邊野草平大河浩蕩此前橫巖疆議罷籌邊策翹首中天看月明

坑熱睡難成尋詩句未得感賦

渾似蟻緣熱鍋底何勞犬吠月明中地堪炙手詩魔避淚燭將殘火尙紅

石嘴山對伊克昭盟黃河渡口卽景

黃河冰凌奏箏簧雪甕新醅翡翠漿知有羣賢來作序天教曲水泛流觴冰塊當地人呼冰凌子凌讀另

傅宜生將軍約赴綏遠因覆命期迫未果以電報傳詩寄意

十八台前分手日百靈廟上立功時故人東望含情語青塚黃河待護持

傅宜生（作義）將軍和詩

十二月二十一日得宜生將軍電達和詩爲錄如次

欣逢奉使驅車日猶念紆疆殄寇時不負深情期報國晦明風雨賴扶持

黃河半凍冒冰凌之險渡河離寧夏赴天水

戛戛鳴金玉長篙拒泛冰一葦安渡後人向隴南行

夜宿吳忠堡張壯勤家詞

樹老氣橫秋月波蕩漾流晚風鳴鐵馬客夢斷渝州

吳忠堡夜醒口占

燼銷爐火夜沉沉久睡翻知被不溫疑望窗前魚肚白不知是月是天明

十二月十一夜宿同心城是夕相傳爲月當頭夕碧天無際冰輪富空不忍卽寐爲賦一章

萬里碧空懸一鏡同心城上月當頭星光奪盡餘三五何處銀潢隔女牛

地如銀幕月如燈照遍悲歡離合情爲報癡情兒女道提高風趣到人生

返抵固原忽遇高培五（桂滋）軍長別十六年矣縱談良久賦贈

話舊班荆十六霜不因塞外感蒼涼將軍射虎弓猶在三箭先傳定故鄉

十二月十六日乘車折轂二營易敝車飽啖風沙三小時許始抵固原翌晨腹痛欲裂猶強自抑制出
席固原各界歡迎會演講一小時不欲示弱也戲占一絕

雉堞曉曦黃千人據廣場此情何以答一語一迴腸

華家嶺至天水道中書成

日冷山荒得食無擔頭餘粒灑征途汽車莫向鴉羣撲恐有寒林待哺鳥

秦安道中

一川斜處樹交柯廿里桃林掠眼過我想重來三月暮秦安城外佔春多

度天水關

一樹橫當天水關相傳故壘仰攻難渭河浪捲英雄去剩有寒雲自往還

天水追懷杜少陵

少陵感慨滿秦州夔府行吟句益逾彩筆若真干氣象詩盟難定主千秋

夜飲植芳園

園爲竹銘先生所居夫人鳳平女士工畫

縮地移山信有術摘瓜種豆亦當行天山輪軌黃河渡發軔凌家一畫堂

伏羲畫卦台

遷古存難論位虛詎可通智緣書契始一畫破鴻濛

遇誕日於客中

熱腸無待酒豪興尙宜詩一段人生味中宵醒後知

謁李廣墓

龍城飛將聲威壯何必封侯算策勳留得幾分遺憾事千秋同感屬將軍

李廣墓再占

使氣公無程不識慕名我愛蘭相如難尋沒羽黃斑石猶感英風貫太虛

天水南郭寺中古柏

寺在南郊柏分爲二謫仙少陵均會題詠有碑記焉但謫仙未曾至秦州而故老云從土中得其詩
碣姑仍其說可耳

寂寥

寺據山岑老柏分柯各枕雲自爾親聞李杜唱至今南郭息竿聲

南郭寺中智慧泉泉出處一雅麗女神像坐焉

杜少陵秦州雜詩山頭南郭寺水號北流泉想係指官泉惟遊人告我此泉名智慧考秦州新志曰
慧音山回南郭寺在焉則以慧名泉非無因也

智慧泉頭神女像端莊而外見風流世人飲得清泉水未省添愁抑解愁

天水城郊傍中山公園晚眺

遠樹吻天紫溪雲戀晚蒼自然成愛域物我兩相忘

西行途中驚聞石蘅青先生病逝重慶追念舊交彌欽風骨更闌人靜賦此挽章

漢上承分席如親田舍翁敝袍擁正氣粗糲滿齋中

朝議紛爭日先生氣若雲語褫精衛魄鋒奪孔璋文

硬漢垂千古直聲動九霄順流多野祭哀咽大江潮

雪中度除夕於天水

徵遍世間文學史愛潮戰緒滿詩篇巖城我際玄黃日風雪高吟又一年

再歷二小時歲將別矣天忽大雪送之明年世界將重新也爲占

三百六五日將畢三萬六千里已過速度黑甜之夢境待看淨潔之山河

贈馮世輝女士

世輝女弟始學中大嗣遊牛津經濟所攻丹青兼擅酒懷匪淺吟興初豪西北孟冬冰雪載野而世輝啣命考察隻身赴青嘗於海旁三角城至海宴縣途中見其攬轡縱橫馳怒馬而去爲之擊節細懷前遊書此以贈

點染丹青洵入神酒酣吟罷見天真女兒躍馬橫西海數爾江南第一人

附馮世輝女士和詩

敬和志希先生賜章並步元韻

馮世輝

大筆淋漓信有神劇談高詠性彌真
天山天水都遊遍決策籌邊待此人
酬中央騎兵學校教育長胡競先將軍

高蹄駿馬玉關東教戰應成不世功
豈戀南枝堪憩息燕然銘罷是英雄

題關中李二曲背影

遺民風節太華高豈獨儒林破寂寥
不顧牧齋芝麓輩却將束髮認前朝

夜草西北建設計畫

一局開羅萬世功再談國策氣如虹
籌邊字字歸翔實長笑張騫話鑿空

偶興

健水喧斜谷冶雲媚峭峯只貪尋野趣
誤入畫圖中

遊覽天水圖書館見邵力子（仲輝）先生於主甘政
後所留贈之全部私人藏書述感並寄懷思

淡泊堪欽邵仲輝書城堅勝去思碑
官泉向我頻申訴願照先生鬢上絲

題梁任公先生爲馮仲翔（國瑞）學弟所書手札卷子

水木清華染寇塵撫瞻遺墨尚如新
扶持絕學傳薪火一代名師有幾人

天水月夜偶憶重慶半畝園中宵雨裏杜鵑聲客懷維楨

明月幾圓缺遲遲尚未飛想當巴雨夜
慵聽子規啼

題邵菲章女士美人紈扇倚修竹立軸

翠袖輕紈共絕塵清揚婀娜倍傳神盼將一榻湘娥管寫盡驚鴻落雁人

書西北國防經濟總論成後擲筆

一月呵冰十萬言敢將空策話籌邊爲圖關隘爭形勝伏地如牛近兩天

三十三年二月十六日由天水經馬跑泉至甘泉鎮改乘伊犁馬入麥積山時已薄暮

午餘乘輿策宛馬釀雪寒雲據遠峯暮色轉深溪徑黯石磨蹄鐵火星紅

隴山東望土成堆忽見奇巒迤邐開松把暮天拂不淨雪光爲奪數峯來

夜宿麥積山瑞雁寺口占

偕遊者有天水張仰文縣長客秋高一涵先生來此有詩曰「地偏僧亦俗見客祇敲鐘」故並及之聊爲解嘲

山深百虛空樹老掛殘雪鐘鼓韻不調梵似哀蟬咽

僧俗何須說固哉高叟詩會心鐘鼓意敲與宰官知

翌晨攀麥積山訪沿山各洞由七佛閣抵牛兒堂見北魏雕像及畫壁過此而西則棧道久廢不可及矣見松鼠往來無阻有過人處爲占

牛兒堂與緣崖上北魏遺風眼底收惟恨白皮松下穴不如松鼠恣搜求

牛兒堂尙餘完整北魏壁畫三方樓臺工妙人物生動而馬尤駿逸有近代所難能者爲之感嘆

騰驤逸足馬猶龍臺閣丹青見兩重洗盡南都金粉氣畫圖堪許北朝風

歸途馬上忽憶出塞時風光

馬逸恍騰矚鵬飛欲射天千秋形勝在誰共着先鞭

日冷風淒天暮欲雪過伏羲城仰望古柏蒼翠回思先君棄養將及週年悲不能勝
日冷風淒水不流羨他古柏帶霜逾傷心反哺今無分悵望城烏盡白頭

驅車由天水至蘭州轉機飛渝四度華家嶺沿途皆大風雪

風雪華家嶺人生幾度逢輕車如筆搏穿過貝珠宮

洵是瑤臺景征人賞罷歸羣峯環虎嘯兩谷玉龍飛

山撲重重粉人籠面紗閑情在松柏青鬢戴梨花

塞馬寒猶慄棲鴉冷不勝寸心悽惻處端在趕車人

歸抵重慶見君璧所贈華山全景巨幅係據北峯頂而作雄渾奇逸得華山神髓爲題

雷瀑濤松挾嶺飛懸崖高處白雲低化工意在同忘我人到名山畫亦奇

在蘭州登機時猶車裘抵重慶已春光明媚矣

歷盡黃沙白雪地戀來描黛拭紅枝海棠雨裏鶯聲囀歌頌東皇大畫師

西北行吟詩稿題後

江南妙句張志和塞北絕唱忽律金我溫遊十江南夢偏作蒼涼塞北吟

附錄

余近年雖藉吟詠以遣情寄興然不願作律詩因其束縛太甚也是不爲亦不能矣途中偶成律詩五首聊附於此以誌塞雪中之輪轍

志希附識

漢中淮陰侯將台

陣雲荒草將台風一劍登壇計大功袴下不期來國士穀中真箇墮英雄若除假位慙田廣爲黜奇謀誤蒯通呂雉烹羹漂母飯君侯成敗婦人中

巡視寧夏河套感賦

黃河兩岸荒灘地千里平蕪夕照中水若可通皆沃野人能做到是英雄樹欺朔雪枝猶勁麥歷春寒趣更濃何事聲聲誇灌口神州自有待完功

爲草擬西北建設計畫滯留天水聞朱一民兄於客歲赴長安前留詩蘭州見貽今一民已於臘盡返蘭而余猶未至因先寄詩酬意末句蓋述在蘭劇談時情景

長安歸去歲云暮聞貯新詩待故人豈爲邊寒侵客夢更無豪句答雲情專征八面存儒雅各有千秋仗品衡長笑此皆身外事願隨樽酒剝花生

步韻奉和朱一民兄

風雪臯蘭過往頻，劫餘樽酒灑襟塵。狂奴故態詩中味，一民有故態狂奴醉後姿。憂危半世少人知，句邊帥朱顏醉後春。豈仗甲兵柔遠服，從來文字感交親。陰山右峙天，山左馮翊中原豈異人。莽原戰馬縱高蹄，玉壘無風靖鼓鼙。漫詡星槎浮塞北，爲瞻都護到安西。絮沙對話防秋略，勒石還須醉墨題。萬幕枕戈齊待旦，不煩啼徹祖生雞。

附朱一民先生贈詩

奉贈志希兄

朱紹良

幕府當年笑語頻，相逢珍重洗前塵。酒邊顏色看猶煦，劫後詩歌氣轉春。冰雪天山猿鳥絕，風沙瀚海馬牛親。步兵莫戀江東住，能到崑崙有幾人。十年絳帳聽征鼙，錦繡河山半馬蹄。時雨從邊塞，曲春風碧到玉門西。艱危時局商關鍵，文物天驕待品題。知有嘉謨作辰告，波濤枕上夜聞鷄。




轉

綠

迴

黃

集





轉綠迴黃集

考察西北五省畢歸抵重慶

論有盈庭易徙薪曲突難安危爭片刻莫作等閒看

有題

宇宙難窮始人生信有涯願栽智果核開作漫天花
愛力瀾無際智源淪更深熱情鑄真理長付有心人

禽趣

鶯新鶻脆惱人天雨浸歌聲滴滴鮮欲向梯田問水色鷓鴣啼破遠山烟

半畝園春曉

琅玕搖翠雨絲絲魚白窗前睡起遲數點殘紅如淚灑黃鶯啼遍海棠枝

蜂房

疊疊瑤台曲曲通洞房冬盡樂融融世人祇道甜如許那解芳心萃此中

海棠

敷脂描黛賞春晴別有春愁畫不成解語爲羞偏怯語故差鶯囀訴衷情

春遊

嬌紅嫩碧簇郊園
仕女如茶道賞春
窺到眼波流媚處
始知花竟不如人

殘春

頓覺春衫重
肩頭滿落花
琮琤流水外
日共遠山斜

辭家再赴新疆

一去天山客
遙簷前梅雨
威蕭蕭臨行
欲語翻無語
吩咐嬌兒護睡貓

飛行入新掠博格達山而過

天山雲錦繡成堆
珠箔銀屏迤邐開
側聽微風傳笑語
浮槎天末竟重來

拂鏡望博格達山

不用爐香面
圓薰妝台
蘭麝目氤氳
曉來霞泛顚邊玉
羞退巫山萬朵雲

迪化夏初

花影衫痕一色紅
女兒飛鞚過墻東
天山五月春風到
綰領情歌漾碧空

新疆雜詠

(一)

風捲沙成嶺
寒凝雲作山
徙移無定處
邊將得常看

(二)

冬夏無嚴界炎涼看氣流羨他哈薩克赤膊背重裘

(三)

消渴喉無水長吟口有沙日光炫石子眼底現曇花

(四)

九時未燃膏四時光奪夢雅賊若偷光可省壁間洞

(五)

無蚊可成雷有蠅皆作鼓宰子若西遊應感晝寢苦

(六)

狂風挾吼沙一望茫無際日月跳雙丸光華不着地

(七)

日落感衣單雲低鷓尙盤山崗平易處駝脊補峯巒

(八)

冥靄銷荒徑寒雲爭亂峯草涼生薄露駝馬興翻濃

(九)

爐火熾無溫風沙識故人葡萄新紫釀泛起北庭春

(十)

萬里平沙外雪峯雲上浮放懷到天末鷹隼共高秋

夜坐

滅燭因妨月舒簾爲怯風小齋人獨坐詩思在寒空

薄暮登南山徘徊彩霞中

夕陽多處興偏酣誰說雲峯未可攀君着五銖儂着錦光傳下界待人看

南山出獵卽事

與天搏鬥成天性野曠人稀鳥獸變獵得駕鵝翎似雪奪來半供鷲鷹餐

遊廟兒溝心縈湘南戰局

瀑雨聲飛六月寒雲杉圍翠作雕闌憑闌望入浮雲裏却感衡陽雁訊難

徘徊廟兒溝雲杉間有感時迭奉中樞促歸電信

頑枝已慣傲霜雪直幹原期託澗阿豈意彰彰翻是病白雲深處斧斤多
自知不是廟堂材何事深山剔索來匪獨瞭墩煩古木金微還缺受降臺

越峯巒四五入廟兒溝深處

策馬穿雲去牛羊散作屯氈包三五個相顧自成邨

薄暮循南山溪水而登

溪折時藏鹿松高間礙雲日隨鴉影沒月上馬頭明

凌晨復縱騎入山

孤騎犯寒雲深徑若阻度雲復見山雲動山爭舞

聞入緬國軍大捷克孟拱狂喜走筆贈孫立人將軍

紅紙廊前許國士野人山外奪雄關將軍不負當筵語擒得蝦夷馬上還

立人將軍曾從余任中央政治學校隊長兼大隊附三十年初冬三十八師入緬時余與相遇於

貴陽復遇之於昆明途中見其所部精神勃奕爲贈詩云「壯士長歌出漢關關前仍是舊家山

蕭蕭夜渡紅河水擒得蝦夷馬上還」追念前塵未負所期與感交集

雨急泥深路豈通奇兵真箇奏敷功天山雪 擊明炬夜報雄師克孟公（孟拱譯音當作孟公）

深夜作歌展轉不寐殘月當窗銀河欲墮用定盦詩材而反其意

風雲才略未銷磨夜半憂時發浩歌歌罷欹枕星斗滿眶珠淚灑銀河

題遷川工廠聯合會贈別繼庸入新題名卷子

揚子江頭突已黔艱辛回首話當年鄭僑嗣殺陽秋在記取人謀可制天

繼庸伉儷咸通音律而夫人盜詣殊深爲余譜歌數闋命繼庸與余定譜夜闌歌罷御宛馬馳歸

新聲按罷夜如何斜落銀潢漾漾波宛馬不嘶人靜後征衣無奈露痕多

遊水磨溝溝水聞出天池

玉筋低垂粉淚痕穆土駿骨已成塵溫情豈竟寒如許此是貞堅萬古魂

寄懷

臨歧溫語夢猶牽
鵲雨駝沙路八千
願乞媽紅雲半幅
補將離恨一方天

有贈

小醜何知憑大力
中朝無意忽西邊
莫因龍戰玄黃日
遲誤車騎報捷年

夜歸悵望彌天星象有悟

何事空言話息機
從無成格定安危
長空歷落敲星子
也是諸天一局棋

迪化飛蘭州途中俯瞰

亂山間一地卽已化
田疇軫念生民苦心
生塞北愁

蘭州飛重慶下視隴山

黃色神州忽變綠
不期山脊是鴻溝
縱然雨露含私意
也仗人工作遠謀

抵重慶後卽夕宿黃山

風過竹梢羌笛怨
月明松頂翠華搖
夜涼侵到窗紗裏
疑是邊寒尙未消

返家

片羽歸來似葉輕
入門未語已知心
一場喜劇餘悲調
待歇雕梁未盡音

過成都憑弔工部草堂

雪水飮江飽秋風
牽夢長百花潭上
過腸斷杜襄陽

三飛迪化四度蘭州

一年四度過蘭州歷盡春寒閣盡秋夏夜不如冬夜永夾衣却勝夾層裘

宿嘉峪關四夜徘徊關前感賦

雪染鴉翎似鬢斑迴翔長繞漢時關何妨同振西飛翮看遍神州白玉山

坐飛機駕駛台上俯視吐魯番

高昌火燄久知名陸地翻與海底平一箇仰盂藏積熱四周冰雪護雙城

過達坂城時飛機動盪殊烈

雪接山頭山接雲雲端又見雪山明飛機忽化波中鷺衝過寒流達坂城

飛行抵迪化

翩然雙翼恣翺翔白玉平舖降落場更假輕車衝冷澗兩邊瓊樹奏鏗鏘

新局既定追懷往事奉酬朱一民兄

人事幻同蕉覆鹿禽言證得虎駝羊中宵虛下陳蕃榻讀罷南華夜未央

免胄軍前未足奇從容談笑決安危他年重話庭州事八面刀光一局棋（此二詩皆有本事惜尙不克註耳）

一民兄九度天山值中秋於迪化作詩紀之爲和

御得罡風恣往還居然杯酒定天山嫦娥更悔偷靈藥新識人間九轉丹

帳望壁間新疆地圖

單騎攬勝古庭州，慣聽琵琶塞外秋。
翻怯小齋凝壁望河山，一幅掛邊愁。
度誕日於迪，寂無人知，亦不告也。

年年今日付誰知，長憶懷中慈母時。
欲訪知交話心跡，軍情敲斷半篇詩。
三十三年除夕感懷

高歌聲咽塞城風，睥睨人材冀北空。
欲上高原帕米爾，袒懷醞酒問蒼穹。
蹈險如夷險竟夷，此身寧復計安危。
終歸仁智驅殘暴，瞻尹無煩代析疑。

送年

歲暮何須倍惘然，凝看龍血灑大邊。
蟄雷待報春皇怒，轉綠迴黃另一年。

三十三年除夕一民兄以英勇姿態出現於伊寧，上空爰慰袍澤克振士氣歸與痛飲口占索和一舉略常蹊千軍望入迷，今宵堪痛飲邊帥到伊犁。

除夕夜醒懷紫微少微二女

紫微歡躍少微牽，酒罷歌終正好眠。
休夢阿爺懸塞外，風雲莽盪過新年。

三十四年元旦迪化各族文化促進會代表來賀招待盡歡口占

雲開日麗曉寒輕，衆族衣冠笑滿庭。
烏魯木齊河畔草料，知應比去年青。

感事

小器寧堪支大局窄胸終致塞寬途徘徊常天山望吾道何年竟不孤
八千里路雪和月卅四年頭雪裏風太息九關無虎豹獼猴高踞若爲雄

驟雪

有客登堂謂識韓杯茗半啜未全寒出門莫辨棗駟馬况飾玲瓏白玉鞍

贈桂芬先生

嬰鏢清耀七十翁北庭傾蓋氣如虹眞詮遺事知多少恰與天心向背同
囹圄難折書生節弱息偏憐老父心願養天和存曠達好憑風雪動清吟

贈張競真女士（附小序）

競真女士生於北平學於南粵服務於瓊島其隻身來西域也因忽有志邊陲而應新疆省衛生處
之召三十三年八月二十二日行至馬蓮井子猝遇匪伏汽車先中地雷繼受機槍掃射藥劑師石
恆傑暨衛生處職員邱壽彭霍煥章相率遇難競真右臂中彈臥血泊中環臥者非死卽傷慘不忍
覩匪復來巡視呼傷者起起則免衛生專家劉雅如及夫人燕瑞貞適臥其左右側誤信之負創起
起卽飲彈歿競真不之信佯死得脫其臨大難時之機智有足稱焉旋復忍痛登殘車盡捨衣物惟
覓利剪藏懷袖以備遇辱則身殉蓋有凜然不可犯之氣節嗣救濟車至則茫茫戈壁浩浩風沙中
尸體橫斜能逃者亦均先後顛躓去血痕狼藉所救餘生惟一張女士耳時救濟車拒以餘隙載劉
君等尸競真以苟不載爲公犧牲者之遺體則彼亦拒不登車乃得輿尸與俱抵迪後且爲劉氏撫

遺孤健民此尤見其風義矣茲在迪任省立醫院護士主任以服務精神見稱於時爲述所遭賦此以贈

同儕身世驚京華滬海珠厓海上槎
靈動壯心事西域不辭鮮血染黃沙
大劫真餘不死身臨危機智是天生
好教西土呻吟者認作慈祥一朵雲

顧謙吉夫人有西域之行在馬蓮井子遇匪左骹中彈携幼子步行四十里得免來迪索詩書此以應
並博謙吉一粲

瀝血仍將稚子牽須臾生死半由天
羣仙若話人間劫應笑淩波步馬蓮

聞伊犁捷音卽席口占時三十四年一月十六日晚

雪覆黃羊磧風號白雁天羽書猶帶血前敵報摧堅

暮景

笳斂戍烟淨雲歸大漠空蒼鷹如流矢射落一輪紅

漠上

獨立蒼茫古戍邊詩情鵬影兩悠然
驚沙忽作洪濤響海色旋吞塞外天

臘盡

鵬盤隨雪下雲卷裹風飛臘鼓催年景
征人尙未歸

聞樂

輕歌慢撚淺迴眸曲盡冰絃意未休一段幽情誰與訴因風吹散海西頭

維文會觀康白拉罕歌舞聞其身世有感

疑是行雲峽裏歸長鬢欲墮翠環垂邊寒未改前年貌却着前年舊舞衣
豈緣穠詭遂傾國自有妖嬈可舞風移度聲光天上去料應羞退許飛瓊

雪中老樹

玉關楊柳凋零盡老幹猶誇擎重枝好藉雪風淬勁節孰知天地是無私

雪中遣興

酣鬥玉龍墮鱗甲多情天女拭鮫綃龍爭女怨皆詩意豈有詩人轉寂寥

大漠心情

野闊天連雁光寒月噪鴉浮雲飛不見心眼兩無遮

客至

莫憑門戶別炎涼翻覺涼風裨健康客到兩頰紅以醉蛾眉斜帶海西霜

書事八章

禍國皆緣飾太平鄧通自有不才孫信他嘲醉堪弭亂舉世當煩酒洗兵
報警諜書雪片來不邀清聽尙追陪靴刀成就平生節血灑邊城遇可哀（伊寧警察局局長高瑋殉節惠
遠）

爲護傷殘終拒避忍看妻體竟橫陳刺刀濺起心頭血散作長空萬點星（伊寧醫院院長陳秀山醫師偕夫人及二子均殉難其夫人死狀尤慘痛）

將撫殘兵兵撫民死生相與更情親可憐稚幼啼寒餓馬革啖完教嚙冰
赴援將士淚落衣力盡關山未解圍（高適句）相卽偏難相望近雪中疆仆門兵稀
投彈投羊往返頻三千命屬一機身低雲霧雪遶旬阻此際天公太不仁
孤軍百日堪千古隘不留兵悔少謀菓子溝中嗚咽水至今遺恨向西流
真情何待費思量小醜安裝大炮忙長憶坵壇會惠敏更需並世左文襄

舊曆除夕具肥羊十巡視醫院四以慰榮軍

壯志未全申英雄淚滿巾邊城無骨肉相見似家人
墮指裂膚 童年屬耳聞不親傷病榻難味李華文

舊曆除夕

地接崑崙斗柄低中宵換歲一聲雞虛齋寂寞高常侍吟到黃雲白草西

春節口占

剖瓜炫翡翠酌酒進燕脂祇爲籌邊策頻添鬢上絲

履春冰度烏魯木濟河

夏玉報冰脆涓流避岸堅朵雲生脚底心賞步非烟

春訊

日暖微烟冰上生芳蹤躑躅步祥雲春風縱隔陽關路嬌語堪當塞外鶯
水磨溝歸途晚景

孤輪轉西極帝啓冶金鑪烈燄騰冰嶺丹青染畫圖

水磨溝溪旁雪柳

山插玉搔頭溪環翡翠鈎腰肢因怯冷爲護白羊裘

浴水磨溝溫泉戲成

雪塑琉璃瓦烟生碧玉池溫泉自水滑無伴帶凝脂

書懷

亦常縱酒亦談兵每感時艱發正聲漫把奇情留墨蹟欲輸肝膽爲蒼生

晚霞

機割鴛鴦錦天開玳瑁筵神遊才片刻心醉恍千年

吟罷

生憎刻意作詩人豪興來時句有神聊藉天山風雪夜醉醺濃墨寫天真

夢中得句（時三十四年二月二十二日子夜）

一掬憂時淚灑來人不知多情深夜雪送我幾行詩

元宵

邊城元夜不蕭條，醒讀陰符醉讀騷。拔出劍銘寒貫月，玉龍飛遁衆星高。

郊外口占

瀚海無波沉雪底，玉峯含態立風前。避寒不到天山下，孳負蒼茫二月天。

夜景

天孫含妒望邊城，並轡憐人河面行。倒底人間勝天上，銀河終歲不成冰。

五度飛越天山風雲

一萬七千尺風雲，脚底奔爰知天道闊。盲目也堪行。

天山冰雪春後漸溶現，斑駁態雪水成池。藍漾天際。

壁人窺伺處，玉女啓明窗。鬢理鴛鴦鏡，耳垂琥珀瑤。

重回半畝園，海棠山茶諸花均已零落。

窗外鶯聲老，枝頭翠葉斜。貪看塞外雪，誤却一春花。

差信

差信文章多爽颯，有時詩句太纏綿。一生都在波濤裏，翻覺波濤也自然。

自題詩稿

偶耽吟詠原餘事，何必蒼頭誇異軍。寫到性靈真摯處，也關兒女也風雲。

塞



外

高

歌

集



塞外高歌集

青海歌

青海青，
黃河黃，
更有那滔滔的揚子江——
雪白白，
山蒼蒼，
祁連山下好牧場。
好牧場，
一片汪洋。
這裏有成羣戰馬，
千萬牛羊。



馬兒肥，
牛兒壯，
羊兒的毛好比雪花亮。
中華兒女，
來罷！來罷！
擎着牧鞭，
隨着怒馬，
背着刀和槍，
隨便馳騁在這高原上。
我們更不要忘记，
這偉大的崑崙山，
我們的祖宗就在這裏發祥！
我們要踏到這山頂上，
揚着三民主義的火把，
放出世界的光芒！



三十一年十一月十七日將別青海之前夕馬子香將軍舉行青海歌舞歡送會以惜別團員吳文藻先生忽謂子香將軍余嘗好作歌子香卽以青海歌爲請余不欲使其缺盛也爰凝思片刻卽索紙筆寫成此歌爲時凡十五分鐘寫畢謂子香曰古人臨別贈言余則臨別贈歌遂宣之於衆子香卽晚召譜樂者製譜並通令全省歌唱聞此歌已成省歌聲遍白山碧海間矣追憶前塵濡筆誌此急就章之始末

志希附識



新疆歌

(一)

新新疆，

我們中華民國的屏障！

阿爾泰高天山長。

葱嶺橫西極；

崑崙抱南疆。

山頭太古雪，

映着萬里沙黃。

伊犁河畔青青草，

河邊有天馬低昂。

聽那塔里木河流水湯湯，

江南四月風光。

這雄麗的山河，

夢也不能忘。



鞏固我廣大的新疆！

(二)

新新疆，

我們中華民族的寶藏！

阿山金脈烏蘇礦。

油泉泛地底；

羊陣亂山旁。

名瓜傳哈密，

葡萄甜溢高昌。

和闐綢托羊脂玉，

潤潔地好比冰霜。

更有那雲母含輝烏砂亮，

都上在資源賬。

這富庶的寶藏，

夢也不能忘。

鞏固我天府的新疆！



(三)

新新疆，

我們國內宗族的天堂！

龜茲名樂伴伊涼。

血統常交流，

心弦更交響。

當旋風舞罷，

令人盪氣迴腸。

文化早陪公主嫁，

規模猶仰漢和唐。

接受三民主義萬道祥光，

同臻和樂安康。

這甜蜜的樂園，

夢也不能忘。

鞏固我中國的新疆！



大漠情歌

(一)

想起我們初次相見，
帳房外大家圍坐一團。
我彈着「吉黛」，
你跳在中間。
你紫紅的裙邊，
飄過我的臉；
引得我的靈魂，
飄飄的像上了天！

(二)

我們在蘋果樹下，
小小的泉水旁邊。
我的心弦在跳，



你的歌聲在顫。

我摘下一箇蘋果，

送到你口邊。

那蘋果的顏色，

不比你臉色的紅鮮！

(三)

你的馬跑成一溜烟。

我追你還得加幾鞭。

誰敢笑我嬌嫩？

我已經追過你馬前。

再勒着我的棗騮，

把纏結着繮。

肩並着肩，

說說笑笑的一道向前。

(四)

我們並坐在山邊，



四靠着肩。

「你是沙漠裏的紅花」！

「那你就是花旁的甘泉」！

「我的心像月光照在沙上般白」！

「我的心像靠着的青石般堅」！

大家臉對着臉，

沒有人看見。

只有那牧羣的牛羊，

有時瞧我們兩眼！

新疆各宗族，在遊牧生活中，好的是唱歌，愛的是跳舞，而所唱的大都是情歌。三十二年秋，曾有維族人士請我為維族做一箇跳舞的情歌，他去譯成維文，我並沒有允許。三十四年二月三日夜半，於論政談兵，憂時感事之餘，心情已倦。忽發奇想，成此一歌。用簡單直接的詞句，宣發樸素熱烈的愛情，就當地生活寫真，不加雕飾，而且務使歌意能在跳舞動作裏表現出來，因為愛情是大家共有的，沙漠風光是各族共賞的，乃名之曰「大漠情歌」。

造林歌

偉大的工作，

收獲不在眼前。

國家需要的棟樑，

何祇萬千。

我們要調和氣候，

調節水源；

枕木要採，

薪炭要燃。

豈祇惠及農田，

工業取材太普遍。

你看童山濯濯，

黃沙浩浩，

這景象多麼可憐！



縱然——松花江樹陰蔽日，

瀾滄江古木參天，

我們建國不能靠自然。

我們要把神州綠化，

將樹海擴大到天邊！

這箇歌係應中央大學森林學系的請求而作，可爲每年植樹節擴大造林時歌唱。



凱歌

勝仗！勝仗！

日本無條件投降！

祝捷的炮像雷般響；

滿街爆竹，

烟火飛揚。

漫山遍野是人浪——

笑口高張，

熱淚如狂！

向東望！

看我們百萬雄師，

配合英勇的盟軍，

浩浩蕩蕩，

掃殘敵，如猛虎驅羊。



踏破那小小扶桑！

河山再造，

日月重光。

勝利的大旗，

擁護着 蔣委員長！

我們一同去祭告 國父

在紫金山旁！

八年血戰，

千萬忠魂，

才打出這建國的康莊。

這真不負我們全民抗戰，

不負我們血染沙場！



08

92020086



中華民國捌拾壹年玖月壹日

贈

中華民國三十五年一月重慶初版
中華民國三十五年七月上海初版

(*81122滬報紙)

西北行吟一冊

定價國幣壹元貳角

印刷地點外另加運費

版 翻
權 印
所 必
有 究

著 者 羅 家 倫

發 行 人 李 宣 龔

印 刷 所 商 務 印 書 館

發 行 所 商 務 印 書 館

各 地

上 海 河 南 路

國家圖書館



001182079



. 486
67:2-2

籍